

妄作妖術誘取眾生財物之罪或亂善人使作妖邪之罪或非道取捨枉抑平人之罪或薄賤老醜欺壓貧病之罪或指偽為真指邪為正之罪或恃勢凌燥一切眾生之罪或阿黨惡徒傾損善人之罪或嫉害勝已欲令傾

陷善識之罪吾今為汝等眾生所說如前罪目並屬三元靈曹仙官考之若大千世界之內十方國土之中一切賢學之士及諸善信男子女人自從無始以來至于今日或違犯如前所說之罪今於道場之內禮誦此經悉皆懺悔咸乞蕩除

女青曰此經功德能濟幽沈能解眾惡能消枉橫能滅諸愆能除眾苦能解冤讎能滅非禍能資福壽利益世界不可窮盡若有眾生持誦此經福如巨海力濟無窮說周塵沙亦不可盡汝等眾生但當勤心禮誦此經嚴備香花種種供養生生之中獲福無量世世富盛德被存亡此經功德善濟人天福報無極而說頌曰
虛皇妙道 三界尊皇 慈育天地 吐納陰陽

威制萬天 福被十方 群生父母 浩劫垂光
煥赫太虛 纖芥無藏 九幽得度 五苦清涼
生死法藥 拔濟存亡 持誦此經 福壽無疆

太上太玄女青三元品誡拔罪妙經卷中

正一天師清微弟子 洪百堅 製作
道教學術資訊網站

太上太玄女青三元品誡拔罪妙經卷下登
太玄女青曰

下元三品水官乃洞元風澤之炁晨浩之精
下元三官者一號賜谷洞源之官一曰青華
之官一曰寒夜之官總主九江水帝十二溪
女三河四海水府河源洞庭之內及水族魚
龍蛟蜃百精水獸鱗類之群濕居之屬及大
千世界之內十方國土之中一切善信男子
女人生死錄籍年月分限報應之由其中官
屬亦總九千萬眾又復下元左右中三府左
號清源右號寒夜中號清靈是茲三府總計
四十二曹並統人間善惡生死罪福緣對考
限錄籍之事眾等虔誠人各恭敬

志心歸命

- 太玄女青 下元水明曹仙官
- 太玄女青 下元清水曹仙官
- 太玄女青 下元列火曹仙官
- 太玄女青 下元三明曹仙官
- 太玄女青 下元簡對曹仙官
- 太玄女青 下元水令曹仙官

太玄女青 下元明範曹仙官
 太玄女青 下元洞源曹仙官
 太玄女青 下元劫諒曹仙官
 太玄女青 下元從水曹仙官
 太玄女青 下元洞陽曹仙官
 太玄女青 下元機會曹仙官
 太玄女青 下元檢會曹仙官
 太玄女青 下元龍魔曹仙官
 太玄女青 下元明劫曹仙官
 太玄女青 下元機齡曹仙官
 太玄女青 下元水梵曹仙官
 太玄女青 下元罪福曹仙官
 太玄女青 下元簡會曹仙官
 太玄女青 下元從炁曹仙官
 太玄女青 下元攝靈曹仙官
 太玄女青 下元召龍曹仙官
 太玄女青 下元烈女曹仙官
 太玄女青 下元開明曹仙官
 太玄女青 下元度魂曹仙官
 太玄女青 下元檢精曹仙官

太玄女青 下元清正曹仙官
 太玄女青 下元九河曹仙官
 太玄女青 下元北元曹仙官
 太玄女青 下元考正曹仙官
 太玄女青 下元九科曹仙官
 太玄女青 下元四極曹仙官
 太玄女青 下元幽夜曹仙官
 太玄女青 下元長劫曹仙官
 太玄女青 下元苦神曹仙官
 太玄女青 下元三難曹仙官
 太玄女青 下元五法曹仙官
 太玄女青 下元萬諒曹仙官
 太玄女青 下元演波曹仙官
 太玄女青 下元無極曹仙官
 太玄女青 下元毒刃曹仙官
 太玄女青 下元長夜曹仙官
 右四十二曹太玄女青所置屬賜谷洞源左
 右中三府以刀之考總主九江三河四海水
 府積夜死魂謫役年劫百鬼萬靈之事一切
 應死之名十方世界之內一切善惡男子女

人功過簡對錄籍之簿以致水中萬精蛟龍
 谿谷水災大會開度劫數之期功過輕重之
 事其官皆五十萬里並風澤金剛之炁並治
 諸水源江河淮濟水帝溟波長夜死魂鬼神
 之事及諸人間一切善信男子女人功過罪
 福簡錄報應年限及諸罪對之規作役之數
 魚龍蛟精之類並俟三官考籍之日五帝集
 聖之宵或甲子庚申之日或三會五臘之日
 當開九幽之府考數長夜之魂拔度業滿之
 靈分別人鬼之道是諸群動隨福受生隨業
 受報如是大小劫會青黑二簡言上三天功
 過罪福生死緣對應合生者言於左宮應合
 仙者言於中宮應合死者言於右宮及水中
 萬靈之事三品相承生死罪福功過輕重考
 對年限各隨所造並悉書之又復十方世界
 之內大千國土之中若有賢善學士及一切
 眾生懺悔曠劫以來或曾嗔恚諸學弟子或
 曾妄責賢善之人或懷毒性不能放生度死
 或得富貴違忘師恩或遇諸天齋日不能回
 心念善或曾嗔毀師資非理唱論或笑人敬

重玄元之道或勸人為諸惡業之罪或禁人作諸善念之事或快人過失或願彼勝事不諧或去就背向聖道及以諸天星辰或行穢五嶽九江或奪諸善人所欲或恣橫求覓世寶或說虛妄求脫眾生或認他人之功為己作或妄動眾生使受危難或捕逐禽魚野獸使不安或恐嚇貧病使不快樂或輕凌官長自恃功高或論議曲直不當或妄言國家衰感或無智慧樂著小法妄生取捨或追毀大道聖文及諸靈像或恣性遊遨無度或登高位不顧卑下或張羅網殺戮禽魚或破人家業令彼流散或剽奪行人衣物或抑取他財或受道之後拜禮鬼神或裸露身形對於三寶或呵風罵雨不敬三光或恃勢力換借不還或害物求榮貪饕無度或傲慢玄象輕忽天尊或侵刻尊親欺瞞君長或勸人不孝父母兄弟踈隔尊親或信用外道幼術輕毀玄元或無師訓授欺詐人神或衣食盈餘不施貧病或盜竊經誠毀抹聖文或裝飾衣裝過有華麗或衣服不潔登於高座或穢汗

師門不生恭敬或師友憂哀不生助念或棄經慢法自作輕賤或逐豪貴不顧貧窮或師有疾病不躬侍省或見病患不行慈救或出入道戶不能焚香或入仙堂返視語笑或有齋請不為三官還功或自取富盛不念貧老或家有疾怨道各師或受信施不生慚愧或傳道法違背盟約不敬師資或三元之日不謝五帝三官或十直之辰不生善念吾今為汝眾生示諸罪目頗同塵沙窮劫說之亦不可盡汝等眾生欲滅如前之罪但當禮誦此經持獻香花種種供養諸爰自滅惡惡自消世世生生福報無盡並係三官五帝三界四司一切仙官考較無復差失汝等得道之士及未得道者見在福中一切善惡眾生生死緣對宿根功過輕重之目並皆列言三天宣付五帝是期三元之日則有無極天尊十方大聖三十二天帝主飛天神王高上玉虛至真玉帝無極大道諸君丈人五老上帝東華南極西靈北真及諸飛天神仙真人玉童玉女長生司命司錄司殺諸天日月星辰一切

眾真莫不俱至若三界之內十方國土之中或有善信男子女人能依三元謝過之法七聖延生之儀燒諸名香幡花寶蓋種種鮮潔供養諸天禮誦此經得福無量若有善信男子女人讀誦此經則得三官舉善司命延生度名青簿之中罪削北都之府而說讚曰
 正一妙道 明威法王 蓋載天地 生化陰陽 龍漢應運 五大流芳 赤明顯號 九老垂祥 上皇末劫 神寶流光 慈育萬物 拔濟存亡 九幽開度 五善咸康 萬靈有賴 享福無疆 誦符供養 祿算遐昌
 爾時道君稽首而言曰臣聞至道玉帝常宣正法示諸群品開大慈之化垂憐蒼生俾生死俱濟幽顯得度當使法音流演廣濟諸天億劫因緣終無斷絕正一妙道福被十方生死蒙恩存亡感荷
 天尊言一切善信男子女人自從無始以來元炁相續種種生成善惡禍福各由根本非大非地亦非人焉正由心也心則神也形非我有名非我留我所生者從虛无自然中來

11071A020

結炁而成體也故我受形形亦非我形也寄之爲形示之以相故得道之者無復有形也一切衆生有諸患者爲有身矣有身則有百惡生死隨形若能行心合真道則並也身神既備則爲真人歸於無形而成道也無復患也終不死也形不灰也終身歸其本也一切衆生若乃身犯百惡當歷衆苦未可得還生也此善惡之身各有緣對豈可咎於冥聖矣諸天無極世界一切衆生汝等道民但當抄寫此經散施轉讀此經功德不可思議上解天災下濟長夜抄寫之福資益生生轉念之功富貴無極

爾時諸天大衆三元九署五帝四司一切衆真稽首稱善自今以去若十方世界之內大千國土之中或有水旱兵災國人傷死當於國土北門或於清淨之地或於古壇淨室之中建立道場懸諸幡像大醮五星及二十八宿三元仙官吾當使風雨順時兵災寧靜國王有道天下太平人民豐樂若有衆生家多疾病人口述衰或呪詛侵凌或邪魔爲禍或

遭瘟疫或患風狂或運炁爲災或凶星降禍則當嚴持家宇設像焚香禮誦此經諸災自愈世世生生得福無量我等天衆當擁護諸善男女若有禮誦此經之處供設玄象之家無災不解無禍不穰應願剋成百福咸臻汝等衆生宜依教勅

爾時衆真稽首奉行而說頌曰

正一法王 無爲教主 含陰吐陽 天地父母 九九化生 萬物宗祖 慧海淵澄 法源廣大 威制萬天 垂道三界 品彙荷恩 群動有賴 力濟無窮 存亡皆奉 盡沐玄功 冥超聖域

太上太玄女青三元品誡拔罪妙經卷下

元始天尊說變化空洞妙經

辰四

元始天尊遷駕於西那天鬱察山浮羅之嶽丹玄之阿坐七寶瓊林窈木之下身佩九色離羅之帔飛森之袍巾須臾百變之冠帶晨光日鈴育延之劔高真侍座五千萬人是時乃命五老上真仙都左公披玉霜七色紫寶鳳羽之笈敷落五篇赤書真文吟詠變化空洞上經瓊音四激妙響八陳振風朱素高會萬神玄範流秀紫虛飾裝上聖懽悅普散瓊光諸天踴躍靡不開朗香華妓樂無鞅數量慶煙八會金風四暢三景停暉七靈皓暎八道煥明洞觀无境嘯朗上都神惠遐曠煖真內溢放神獨往炁輕重霄縱體五象耀龍大於碧津煥絳雲於蔚上肆曲精于蘭林宴飛蓋乎八景抗龍轡於清嶺逸鳳車以高仰躡空洞以散雲迅丹轅以流騁躡九霞以水目凌三天而解想颺長煙以浮塵舒日華以拂朗命太陽以吐威并奔電以激響流鈴交煥四絕翳氛道遙玄覽觀化大像濯津蘭池洗穢滄浪鍊魂碧波上會道場金神煥落六度